

明史本紀

乾隆四十二年補纂



明史卷十三

本紀第十三

總裁官總事務

經筵講官保兼李太保保和殿大學士兼管吏部戶部尚書事加級張廷玉等奉

敕修

憲宗一

癸未既日當食不食五日丁日大風雨

憲宗繼天凝道誠明仁敬崇文肅武宏德聖孝純皇帝  
諱見深英宗長子也母貴妃周氏初名見濬英宗留衛  
拉特皇太后命立爲皇太子景泰三年廢爲沂王天順  
元年復立爲皇太子改名見深天順八年正月英宗崩  
乙亥卽皇帝位以明年爲成化元年大赦天下免明年  
田租三之一詔浙江江西福建陝西臨清鎮守內外官

諸邊鎮守內官正統間所無者悉罷之下番使者緝事  
官校皆召還二月丙申都御史李賓等劾指揮僉事門  
達恃恩不法下獄戍邊庚子始以內批授官三月甲寅  
朔尊皇后爲慈懿皇太后貴妃周氏爲皇太后戊午放  
宮人丙寅毀錦衣衛新獄庚午賜彭教等進士及第出  
身有差癸酉詔內閣九卿考覈天下方面官戊寅復立  
團營夏四月癸未朔日當食不見五月丁巳大風雨雹  
敕羣臣修省庚申葬睿皇帝于裕陵秋七月壬申立吳  
氏爲皇后八月癸未御經筵甲申命儒臣日講癸卯廢  
皇后吳氏下太監牛玉于獄冬十月壬辰立王氏爲皇

后甲辰立武舉法十二月甲辰免京官雜犯罪是年兩畿川廣荆襄盜賊大起道路不通安南烏斯藏入貢成化元年春正月乙卯享太廟己未大祀天地于南郊甲子命都督同知趙輔爲征夷將軍充總兵官僉都御史韓雍贊理軍務討廣西叛徭二月戊子祭社稷己丑詔雪于謙寃甲午耕藉田三月庚戌四川山都掌蠻叛丁巳釋奠于先師孔子夏五月辛酉大雨雹壬戌避正殿減膳敕羣臣修省甲子四川盜趙鐸作亂官軍擊斬之秋七月己酉免天下軍衛屯糧十之三甲子振兩畿浙江河南饑八月丁丑命工部侍郎沈義僉都御史吳

琛振撫兩畿饑民辛巳瘞暴骸庚寅瑪拉噶犯延綏總  
兵官房能敗之冬十二月癸卯命撫寧伯朱永爲靖虜  
將軍充總兵官太監唐慎監軍工部尙書白圭提督軍  
務討荆襄賊是月韓雍大破大藤峽徭改名峽曰斷藤  
是年琉球哈密瓜哇烏斯藏入貢

二年春正月戊申罷團營乙卯大祀天地于南郊辛酉  
英宗神主祔太廟二月癸未命禮部侍郎鄒幹巡視畿  
內饑民三月甲辰賜羅倫等進士及第出身有差己酉  
李賢父卒乞終制不許乙卯朱永大破荆襄賊劉通于  
南漳閏月癸酉振南畿饑乙未朱永擊擒劉通其黨石

龍道轉掠四川夏五月癸酉修撰羅倫以論李賢起復  
謫福建市舶司提舉己卯禁侵損古帝王忠臣烈士名  
賢陵墓六月甲辰趙輔師還乙巳免今年天下屯糧十  
之三壬子命楊信爲平虜將軍充總兵官太監裴當監  
督軍務禦寇延綏秋七月辛巳封弟見治爲忻王見沛  
徽王戊戌瑪拉噶犯固原八月丁巳犯寧夏都指揮焦  
政戰死丁卯諭祭于謙復其子冕官冬十月丁未朱永  
擊擒石龍賊平進永爵爲侯十二月甲寅李賢卒丙辰  
以太常寺少卿兼翰林院侍讀學士劉定之入閣預機  
務癸亥鎮守開原太監韋朗坐失律赦不問是月斷藤

峽賊復起是年哈密琉球安南烏斯藏衛拉特入貢  
三年春正月己卯大祀天地于南郊丙申命撫寧侯朱  
永爲平胡將軍充總兵官會楊信討瑪拉噶二月丁酉  
朔日有食之丁巳湖廣總兵官李震討破靖州苗三月  
戊辰召商輅爲兵部侍郎復入閣己巳瑪拉噶犯大同  
辛巳復開浙江福建四川雲南銀場以內臣領之夏四  
月以四川地屢震敕官吏修省遣使祭其山川乙巳錄  
囚癸丑復立團營六月戊申雷震南京午門敕羣臣修  
省辛酉命襄城伯李瑾爲征夷將軍充總兵官兵部尙  
書程信提督軍務太監劉恒監軍討山都掌蠻秋七月



乙酉停河南採辦九月辛未振湖廣江西饑十二月庚子左庶子黎淳追論景泰廢立事帝以景泰事已往且非臣下所當言切責之辛丑編修章懋黃仲昭校討莊景疏諫上元張燈杖謫有差是月程信破山都掌蠻平之是年琉球哈密占城烏斯藏入貢朝鮮獻海青白鵲諭母獻

四年春正月甲戌大祀天地于南郊三月甲子免湖廣被災秋糧甲申禁勲戚請民田夏四月庚寅慶雲伯周壽求涿州田許之丁巳錄囚陳文卒五月癸未遣使錄天下四六月丙午免江西被災秋糧辛亥開城賊滿俊

反陝西總兵官寧遠伯任壽巡撫都御史陳价討之甲寅慈懿皇太后崩秋七月癸酉命都督同知劉玉爲平虜副將軍充總兵官太監劉祥監軍副都御史項忠總督軍務討滿俊八月癸巳京師地震乙卯朱永代劉玉爲總兵官是月任壽陳价寧夏總兵官廣義伯吳琮及滿俊戰敗績都指揮蔣泰申澄被殺九月庚申葬孝莊睿皇后於裕陵辛酉振陝西饑壬申以地震星變下詔自責敕羣臣修省甲申給事中董旻御史胡深等九人請罷商輅及禮部尙書姚夔下獄杖之冬十月乙未項忠敗賊于石城伏羌伯毛忠戰死十一月壬戌瑪拉噶

犯遼東指揮胡珍戰沒是月項忠擊擒滿俊送京師伏  
誅十二月己酉瑪拉噶犯延綏都指揮僉事許寧擊敗  
之是年琉球烏斯藏哈密日本滿刺加入貢

五年春正月乙丑大祀天地於南郊三月辛丑賜張昇  
等進士及第出身有差夏五月辛丑以禮部侍郎萬安  
兼翰林院學士入閣預機務六月癸丑朔日有食之辛  
酉錄囚秋八月辛酉劉定之卒冬十一月乙未瑪拉噶  
犯延綏是年冬阿勒楚爾入居河套琉球哈密烏斯藏  
滿刺加安南吐魯番入貢

六年春正月己丑大祀天地於南郊己亥大同總兵官

楊信敗瑪拉噶於胡柴溝二月辛未命大理寺少卿宋  
旻侍郎曾翬原傑黃琛副都御史滕昭巡視畿南浙江  
河南四川福建考察官吏訪軍民疾苦其餘直省有巡  
撫等官者命亦如之丁丑禱雨於郊壇戊寅振廣西饑  
三月甲申免湖廣山東被災稅糧壬寅詔延綏屯田命  
朱永爲平虜將軍充總兵官太監傅恭顧恒監軍王越  
叅贊軍務備阿勒楚爾於延綏夏五月丙申振畿內山  
東河南饑丁酉王越敗阿勒楚爾於延綏東路六月戊  
申朔日有食之秋七月己卯皇子祐檉生壬午朱永敗  
阿勒楚爾於雙山堡丙戌命都御史項忠侍郎葉盛振

畿內饑民都督李景撫治屯營甲辰總兵官房能敗阿勒楚爾於開荒川是月免南畿四川被災稅糧八月辛亥振山西饑癸丑以水旱相仍下詔寬卹冬十月免畿內河南山東被災稅糧十一月癸未荆襄流民作亂命項忠總督河南湖廣荆襄軍務討之是月博勒呼渡河與阿勒楚爾合十二月庚戌遣使十四人分振畿輔是年琉球哈密烏斯藏入貢

七年春正月辛巳命京官五品以上及給事中御史各舉堪州縣者一人丙戌大祀天地于南郊是月立漕粟長運法三月增設蕪湖荊州杭州鈔關夏四月己巳錄

囚五月辛巳瘞京師暴骸秋八月甲辰振山東浙江水  
災閏九月己未浙江潮溢漂民居鹽場遣工部侍郎李  
顥往祭海神修築堤岸冬十月乙亥以王恕爲刑部侍  
郎總理河道十一月甲寅立皇子祐極爲皇太子大赦  
已未荆襄賊平流民復業者一百四十餘萬人十二月  
甲戌彗星見下詔自責敕羣臣修省條時政得失壬午  
彗星入紫微垣避正殿撤樂御奉天門聽政甲申始召  
見閣臣於文華殿召朱永還命王越總督延綏軍務辛  
卯減死罪以下是年伽嘉色稜入居河套與阿勒楚爾  
合安南黎灝攻占城破之琉球安南入貢

八年春正月庚戌大祀天地于南郊癸亥皇太子薨是月延綏叅將錢亮禦瑪拉噶於安邊營敗績都指揮栢隆陳英戰死伽嘉色稜犯固原平涼二月丙子預徵山西河南明年賦三月癸丑賜吳寬等進士及第出身有差夏四月京師旱運河水涸癸酉遣使禱於郊社山川淮瀆東海之神乙酉錄囚丁亥遣使錄天下囚五月癸丑命武靖侯趙輔爲平虜將軍充總兵官節制各邊軍馬同王越禦伽嘉色稜秋九月丙午諭安南黎灝還占城侵地冬十一月己酉以寧晉伯劉聚代趙輔爲將軍屯延綏十二月癸酉振京師饑民是年博勒呼伽嘉色

稜屢入安邊營花馬池犯固原寧夏平涼臨鞏環慶通渭琉球哈密安南入貢

九年春正月丁未大祀天地於南郊壬子劉聚王越敗伽嘉色稜於漫天嶺是月吐魯番素爾坦阿里破哈密據之三月畿南山東大饑民相食夏四月辛酉朔日有食之甲子福餘三衛寇遼東總兵官歐信擊敗之戊辰盡免山東稅糧瘞京師暴骸壬午閱武臣騎射於西苑秋七月壬辰巡撫延綏都御史余子俊敗伽嘉色稜於榆林澗九月辛卯鎮守浙江中官李義杖殺寧波衛指揮馬璋詔勿問庚子王越襲們都塔博勒呼伽嘉色稜



於紅鹽池大破之諸部漸出河套冬十一月丁酉復閱  
騎射於西苑是年免湖廣畿內山西南畿陝西被災稅  
糧振畿內陝西饑振山西者再山東者三哈密琉球暹  
羅入貢

十年春正月丁亥朔振京師貧民丁酉大祀天地於南  
郊癸卯命王越總制延綏甘肅寧夏三邊駐固原丙午  
召劉聚還三月免南畿湖廣被災秋糧夏五月戊申申  
藏祿書之禁是月免山西陝西被災秋糧閏六月乙巳  
築邊牆自紫城砦至花馬池秋七月甲寅免江西被災  
秋糧八月辛卯命都督同知趙勝爲平虜將軍充總兵

官太監劉恒覃平監軍討伽嘉色稜九月癸丑朔日有食之乙卯免南畿水災秋糧冬十一月丙子免河南被災稅糧十二月己丑罷寶慶諸府採金甲午錄祆書名示天下是年琉球烏斯藏吐魯番入貢

十一年春正月癸亥大祀天地於南郊二月甲申禁酷刑三月壬子賜謝遷等進士及第出身有差辛未彭時卒夏四月乙酉以吏部侍郎劉翊禮部侍郎劉吉並兼翰林學士入閣預機務壬辰乾清門災己亥錄囚五月丁卯始召見皇子祐檣於西內癸酉免湖廣被災秋糧秋八月辛巳浚通惠河丁亥們都埒伽嘉色稜遣使來

朝九月丁未朔日有食之冬十一月癸丑立皇子祐樞  
爲皇太子大赦十二月戊子復郟王帝號丁酉申自宮  
之禁是年吐魯番琉球暹羅滿刺加安南入貢命琉球  
貢使二年一至

貞節二卷一至

之禁具平世傳番無致嚴厲之禁人與命  
為皇太子大妹十二日如于  
得六月下未幾日百食之冬十一日  
與五立皇太子部

明史卷十四

本紀第十四

總裁官總理事務 經筵講官 保兼李太保和殿學兼管吏部戶部書事 張廷玉等奉

敕修

憲宗二

十二年春正月辛亥南京地震有聲戊午大祀天地於南郊二月乙亥朔日有食之甲午敕羣臣修省三月壬子減內府供用物壬戌李震大破靖州苗夏五月丁卯命副都御史原傑撫治荆襄流民庚申錄囚秋七月庚戌黑青見乙丑躬禱天地於禁中以用度不節工役勞民忠言不聞仁政不施四事自責戊辰遣使錄天下囚

八月始設雲南巡撫以戶部侍郎王恕爲之冬十月辛巳京師地震十一月巡撫四川都御史張瓚討灣溪苗破之乙卯大學士商輅等進續資治通鑑綱目十二月己丑置鄖陽府設行都司衛所處流民是年吐魯番賽瑪爾堪琉球烏斯藏入貢

十三年春正月庚戌大祀天地於南郊己巳置西廠命太監汪直提督官校刺事夏四月汪直執郎中武清樂章太醫院院判蔣宗武行人張廷綱浙江布政使劉福下西廠獄五月甲戌執左通政方賢下西廠獄丙子大學士商輅尚書項忠請罷西廠從之六月甲辰罷項忠

爲民庚戌復設西廠丁巳商輅致仕秋八月壬辰錦衣  
衛官校執工部尙書張文質繫獄帝知而釋之冬十月  
戊申復立哈密衛於苦峪谷給土田牛種十一月張瓚  
破松潘疊溪苗是年免浙江山東河南江西福建被災  
稅糧振山東南畿州縣饑安南琉球烏斯藏暹羅日本  
入貢們都埒伽嘉色稜各遣使貢馬

十四年春正月甲戌大祀天地於南郊二月戊申皇太  
子出閣就學三月戊辰免浙江被災秋糧己卯賜曾彥  
等進士及第出身有差辛巳罷烏什衛銀場丙戌復開  
遼東馬市丁亥以浙江饑罷採花木夏四月丁酉免南

畿山東被災秋糧六月庚子太白歲星同晝見癸卯命  
太監汪直行遼東邊秋七月丁丑遣使振南畿山東饑  
八月癸巳以直隸山東災傷詔六部條卹民事宜命南  
京刑部侍郎金紳巡視江西水災庚戌免湖廣被災秋  
糧甲寅下巡撫蘇松副都御史牟俸於錦衣衛獄謫戌  
九月癸亥河決開封十二月甲午免畿內被災秋糧是  
年占城烏斯藏賽瑪爾堪入貢  
十五年春正月丁卯大祀天地於南郊辛巳振山東饑  
免秋糧二月免湖廣被災秋糧甲寅詔修開國勲臣墓  
無後者置守塚一人夏四月丁亥以方士李孜省爲太



常寺丞丙午免南畿被災稅糧壬子下駙馬都尉馬誠  
於錦衣衛獄五月壬戌汪直劾侍郎馬文升下文升獄  
謫戌癸酉以馬文升牟俸事杖給事中李俊御史王濬  
等五十六人於闕下己卯免湖廣河南被災稅糧秋七  
月癸酉汪直行大同宣府邊冬十月丁亥命撫寧侯朱  
永爲靖虜將軍充總兵官汪直監軍禦布達扎卜十二  
月辛未論功封朱永保國公加汪直歲祿陞賞者二千  
六百餘人是月免四川江西被災稅糧是年琉球安南  
烏斯藏入貢

十五年春正月甲午大祀天地於南郊丁酉命保國公

朱永爲平虜將軍充總兵官王越提督軍務汪直監軍  
禦伊斯瑪音於延綏二月癸酉免湖廣被災稅糧戊寅  
王越襲伊斯瑪音於威寧海子破之三月戊子以歲歉  
減光祿寺供用物夏六月癸丑禁勢家侵占民田戊午  
巡按遼東御史強珍劾陳鉞韋朗等欺罔不問秋八月  
辛酉申存卹孤老之令冬十二月庚申伊斯瑪音犯大  
同丙寅朱永汪直王越帥京軍禦之是月總督兩廣軍  
務都御史朱英總兵官平鄉伯陳政討廣西徭破之是  
年免兩畿湖廣河南山東雲南被災稅糧琉球暹羅蘇  
門答刺吐魯番賽瑪爾堪入貢

十七年春正月壬午以方士顧珏爲太常寺少卿丙戌  
大祀天地於南郊二月壬戌覈天下庫藏出納之數是  
月免浙江山西被災稅糧三月辛卯賜王華等進士及  
第出身有差夏四月庚申以久旱風霾敕羣臣修省戊  
辰諭法司慎刑獄命太監懷恩同法司錄囚自是每五  
歲遣內臣審錄以爲常癸酉伊斯瑪音犯宣府五月己  
亥命汪直監督軍務王越爲平胡將軍充總兵官禦之  
秋七月甲戌免南畿被災秋糧甲午命所在鎮守總兵  
巡撫聽汪直王越節制己亥雷震郊壇承天門冬十月  
壬戌振河南饑以道士鄧常恩爲太常卿十一月戊子

取太倉銀三分之一入內庫是年安南占城滿刺加烏斯藏入貢安南黎灝侵老撾宣慰司賜敕諭之

十八年春正月壬午大祀天地於南郊庚寅劉吉起復三月己巳朔振南畿饑壬申罷西厰夏四月癸丑哈商復哈密城甲子免山西被災夏稅五月免山東南畿被災稅糧六月壬寅伊斯瑪音犯延綏汪直王越調兵禦敗之秋八月癸丑遣使振畿內山東饑辛酉免河南被災稅糧閏月壬申倉副使應時用請罷饒州燒造御器內臣下獄贖還職冬十一月免畿內陝西遼東被災秋糧十二月庚午御製文華大訓成是年琉球哈密暹羅

吐魯番烏斯藏入貢

十九年春正月丙午大祀天地於南郊三月丙辰免湖廣被災稅糧夏四月丁丑免河南被災稅糧五月壬子詔罷京軍雜役六月乙亥汪直有罪調南京御馬監丁丑陳政破廣西猺秋七月辛丑迤北小王子犯大同癸卯總兵官許寧禦之敗績己未命朱永爲鎮朔大將軍充總兵官帥京軍禦之八月甲子犯宣府巡撫都御史秦紘總兵官周玉禦却之乙丑命戶部侍郎李衍刑部侍郎何喬新巡視邊關壬申謫汪直爲奉御其黨王越戴縉等貶黜有差是月朱永敗寇於大同宣府九月丁

未詔旌僧繼曉母朱氏冬十月壬申召朱永還是年賽  
瑪爾堪貢獅子

二十年春正月庚寅京師地震壬辰敕羣臣修省詔減  
貢獻飭備邊罷營造理冤獄寬銀課工役馬價卹大同  
陣亡士卒丁酉大祀天地於南郊三月庚寅賜李旻等  
進士及第出身有差己酉命太監張善監督軍務定西  
侯蔣琬充總兵官同總督尚書余子俊備大同宣府夏  
四月戊午錄囚五月甲午再錄囚減死罪以下六月免  
南畿陝西被災稅糧秋八月壬申太白歲星同晝見九  
月乙酉朔日有食之是月寇復入居河套是秋陝西山

西大旱饑人相食停歲辦物料免稅糧發帑轉粟開納米事例振之冬十月丁巳刑部員外郎林俊以請誅妖僧繼曉太監梁芳下錦衣衛獄都督府經歷張黻疏救并逮問杖謫有差癸酉罷雲南元江諸府銀坑十二月免山西河南被災夏稅是年安南日本琉球哈密吐魯番入貢

二十一年春正月甲申朔星隕有聲丙戌詔羣臣極言時政庚寅赦天下乙未大祀天地於南郊乙巳遣侍郎李賢何喬新賈俊振陝西山西河南饑二月己未放免傳奉文武官五百六十餘人丁丑免陝西被災稅糧夏

四月戊午以泰山屢震遣使祭告壬戌轉漕四十萬石  
振陝西饑是月免南畿山東被災稅糧五月壬戌京師  
地震丙子振京師饑民六月辛巳令武臣納粟襲職癸  
未詔盛暑祁寒廷臣所奏毋得過五事秋八月己卯朔  
日有食之九月甲子劉珣致仕冬十月免山東山西河  
南陝西四川被災稅糧十一月丙寅京師地震十二月  
甲申以詹事彭華爲吏部左侍郎兼翰林學士入閣預  
機務甲午振南畿饑是冬小王子犯蘭州莊浪鎮番涼  
州是年哈密烏斯藏入貢

二十二年春正月己未大祀天地於南郊乙丑免河南



被災秋糧二月庚辰免畿南及湖廣被災秋糧夏四月  
乙未清畿內勲戚莊田六月免南畿陝西被災稅糧乙  
亥敕羣臣修舉職業甲午諭法司慎刑秋七月小王子  
犯甘州指揮姚英等戰死九月癸卯罷南京兵部尚書  
王恕免河南廣東被災稅糧戊申逮廣東布政使陳選  
市舶司中官韋眷誣選貪墨被逮道卒丁卯以兵部左  
侍郎尹直爲戶部侍郎兼翰林學士入閣預機務冬十  
一月癸丑占城爲安南所侵王子古來來奔十二月免  
江西廣西被災稅糧是年哈密琉球入貢

二十三年春正月免陝西湖廣被災稅糧庚戌大祀天

地於南郊二月庚辰以李孜省爲禮部右侍郎乙酉命副都御史邊鏞通政司參議田景賢巡視大同諸邊三月丁未彭華致仕丁巳賜費宏等進士及第出身有差癸亥免山東被災稅糧夏四月乙亥免浙江被災秋糧五月乙卯旱遣使分禱天下山川丙辰敕羣臣修省是月朶顏三衛巴爾諾海入遼東令駐牧近邊給米布六月免陝西南畿被災秋糧秋七月戊申封皇子祐杭爲興王祐楡岐王祐檣益王祐樞衡王祐檉雍王八月庚辰帝不豫甲申皇太子攝事於文華殿己丑崩年四十一有一九月乙卯上尊諡廟號憲宗葬茂陵

贊曰憲宗踐阼之初朝多耆彥蠲賦省刑閭閻充足跡  
其上景帝尊號雪于謙之寃抑黎淳召商輅可以修明  
綱紀奮發有爲矣顧乃舉錯混淆雜流競進且不鑒土  
木之失柄用汪直威福下移厥衛之禍遂與有明終始  
履霜堅冰勢成積重可不慎哉可不畏哉



明史卷十五

本紀第十五

敕修

總裁官總理事務 經筵講官保兼太子太保和殿大學士兼管吏部戶部尚書事加級張廷玉等奉

孝宗

孝宗達天明道純誠中正聖文神武至仁大德敬皇帝  
諱祐檜憲宗第三子也母淑妃紀氏成化六年七月生  
帝於西宮時萬貴妃專寵宮中莫敢言悼恭太子薨後  
憲宗始知之育周太后宮中十一年敕禮部命名大學  
士商輅等因以建儲請是年六月淑妃暴薨帝年六歲  
哀慕如成人十一月立爲皇太子二十三年八月憲宗

崩九月壬寅卽皇帝位大赦天下以明年爲弘治元年  
丁未斥諸佞倖侍郎李孜省太監梁芳外戚萬喜及其  
黨謫戍有差冬十月丁卯汰傳奉官罷右通政任傑侍  
郎蒯綱等千餘人論罪戍斥革法王佛子國師真人封  
號乙亥尊皇太后周氏爲太皇太后皇后王氏爲皇太  
后丙子立妃張氏爲皇后丁亥萬安罷壬辰追諡母淑  
妃爲孝穆皇太后癸巳以吏部左侍郎兼翰林學士徐  
溥入閣預機務十一月乙巳召王恕爲吏部尙書以馬  
文升爲左都御史癸丑尹直罷乙卯以詹事劉健爲禮  
部侍郎兼翰林學士入閣預機務戊午下梁芳李孜省

於獄十二月壬午葬純皇帝於茂陵是月免江西湖廣被災稅糧是年安南暹羅哈密吐魯番烏斯藏琉球入貢封占城王子古來爲王諭安南黎灝還占城侵地

弘治元年春正月己亥享太廟丙午大祀天地於南郊己未始考察鎮守武臣庚申以何喬新爲刑部尚書二月戊戌祭社稷丁未耕藉田封哈密衛左都督哈商爲忠順王丁巳罷選淑女丙辰禁廷臣請托公事三月乙丑疏文武大臣及中外四品以上官姓名揭文華殿壁癸酉釋奠於先師孔子乙亥小王子寇蘭州都指揮廖斌擊敗之丙子御經筵丁丑命儒臣日講起用言事降

謫諸臣夏四月甲寅以天暑錄囚嗣後歲以爲常五月  
丙寅嘉興盜起命刑部侍郎彭韶討平之六月癸巳朔  
日有食之秋七月戊辰減浙江銀課汰管理銀場官八  
月乙巳小王子犯山丹永昌辛亥犯獨石馬營冬十月  
乙卯振湖廣四川饑十一月甲申妖僧繼曉伏誅乙酉  
免河南被災秋糧是年吐魯番殺忠順王哈商復據哈  
密琉球占城賽瑪爾堪烏斯藏入貢

二年春正月丁卯收己故內臣賜田給百姓辛未大祀  
天地於南郊二月癸巳振四川饑乙卯以馬文升爲兵  
部尙書兼提督團營三月己未免陝西被災秋糧三分



之二戊寅閉會川衛銀礦夏五月庚申河決開封入沁  
河役五萬人治之秋七月癸亥以京師霪雨南京大風  
雷修省求直言戊寅振畿內水災免稅糧給貧民麥種  
八月丁酉復四川流民復業者雜役三年己酉憲宗神  
主祔太廟十一月戊午順天饑發粟平糶十二月甲申  
朔日有食之辛卯賜于謙諡立祠曰旌功是年吐魯番  
入貢賽瑪爾堪貢獅子鸚鵡却之

三年春正月甲子大祀天地於南郊二月壬辰免河南  
被災秋糧甲午戶部請免南畿湖南稅糧上曰凶歲義  
當損上益下必欲取盈如病民何悉從之三月丙辰命

明史卷十五  
本紀 三  
天下預備倉積粟以里數多寡爲差不及額者罪之庚  
午賜錢福等進士及第出身有差甲戌命侍郎張海通  
政使元守直閱邊秋九月庚戌禁內府加派供御物料  
閏月癸巳禁宗室勲戚奏請田土及受人投獻冬十一  
月甲辰停工役罷內官燒造瓷器十二月辛亥以彗星  
見敕羣臣修省陳軍民利病己未京師地震壬戌減供  
御品物罷明年上元燈火是年琉球安南哈密賽瑪爾  
堪天方吐魯番入貢

四年春正月癸未以修省罷上元節假己丑大祀天地  
於南郊停慶成宴二月己巳敕法司曰曩因天道示異

敕天下諸司審錄重囚發遣數十百人朕以爲與其寬  
之於終孰若謹之於始嗣後兩京三法司及天下問刑  
官務存心仁恕持法公平詳審其情罪所當庶不悖於  
古聖人欽恤之訓三月己亥逮兩廣總督秦紘紘劾鎮  
守總兵安遠侯柳景貪暴詔并逮紘對理尋宥景罪紘  
致仕六月辛亥京師地震秋八月庚戌蘇松浙江水停  
本年織造乙卯南京地震己未封皇弟祐楛爲壽王祐  
梈汝王祐檉涇王祐樞榮王祐楷申王冬十月丙辰以  
皇長子生詔天下戊午河溢振河南被災者乙丑以禮  
部尙書邱濬兼文淵閣大學士預機務十一月庚辰振

南畿災十二月甲子吐魯番以哈密地及金印來歸己巳召秦鉉爲南京戶部尙書是年暹羅入貢

五年春正月壬午大祀天地於南郊二月丙寅命善巴襲封忠順王庚午減陝西織造絨氍之半三月戊寅立皇子厚照爲皇太子大赦錄太祖廟配享功臣絕封者後辛卯廣西副總兵馬俊叅議馬鉉千戶王珊等討古田叛獍遇伏死夏四月丁未免南畿去年被災稅糧秋七月甲午振南京浙江山東饑八月癸卯劉吉致仕乙丑停蘇松浙江額外織造召督造官還冬十月壬戌湖廣總兵官鎮遠侯顧溥貴州巡撫都御史鄧廷瓚太監

江憲會師討貴州黑苗十一月丙申閉溫處銀坑十二月丁巳荆王見瀟以悖亂廢爲庶人是年琉球烏斯藏吐魯番入貢呼爾察國貢方物不受給廩食遣還

六年春正月己卯大祀天地於南郊二月甲寅錄常遇春李文忠鄧愈湯和後裔世襲指揮使丁巳擢布政使劉大夏右副都御史治張秋決河三月癸未賜毛澄等進士及第出身有差夏四月己亥吐魯番素爾坦阿哈瑪特襲執善巴據哈密己酉命侍郎張海都督同知緜謙經畧哈密辛酉久旱敕修省求直言五月丙寅小王子犯寧夏殺指揮趙壘閏月乙未免南京被災秋糧六

月庚午捕蝗壬申都御史閔珪擊破古田叛獍秋八月  
甲戌免順天被災夏稅九月丁酉免陝西被災夏稅冬  
十月丙寅以災傷罷明年上元燈火庚辰停甘肅織造  
絨氍十一月庚申振京師流民十二月己卯敕天下鎮  
巡官修省是年安南烏斯藏吐魯番暹羅入貢

七年春正月丁酉大祀天地於南郊二月甲子以去年  
冬孝陵風雷之變遣使祭告修省求直言命內外慎刑  
獄決輕繫三月癸巳貴州黑苗平戊申兩畿捕蝗夏五  
月甲辰命太監李興平江伯陳銳同劉大夏治張秋決  
河六月乙丑高郵康濟河成秋七月乙巳京師地震丙

午命工部侍郎徐貫巡撫副都御史何鑑經理南畿水利九月丁亥以水災停蘇松諸府所辦物料留關鈔戶鹽備振冬十一月壬子京師地震十二月甲戌張秋河工成己卯振甘涼被兵軍民給牛種是年免北京河南湖廣陝西山西被災稅糧琉球入貢以吐魯番據哈密却其貢使

八年春正月乙未大祀天地於南郊以太皇太后不豫免慶成宴壬子甘肅總兵官劉寧敗小王子於涼州二月乙卯朔日有食之戊午邱濬卒乙丑以禮部侍郎李東陽少詹事謝遷入閣預機務己卯黃陵岡河口工成

三月壬辰免湖廣被災稅糧己亥寧夏地震夏四月甲寅蘇松各府治水工成壬戌諭吏部都察院人材進退考察務得實跡不可偏聽枉人五月己丑免南畿被災秋糧秋七月丁亥封宋儒楊時將樂伯從祀孔子廟廷戊子廣西副總兵歐磐擊破平樂叛徭八月癸亥以四方災異數見敕羣臣修省冬十一月己酉免直隸被災秋糧十二月辛酉巡撫甘肅僉都御史許進總兵官劉寧入哈密吐魯番道遂班師是年瓜哇占城烏斯藏入貢默克埒諸部欵肅州塞求入貢却之

九年春正月壬辰大祀天地於南郊二月庚午免河南



被災稅糧辛未命右通政張璞大理少卿馬中錫閱邊  
三月丙申賜朱希周等進士及第出身有差夏四月戊  
子以岷王膺鈺奏逮武岡州知州劉遜給事中御史龐  
泮劉紳等諫下錦衣衛獄尋釋之六月庚子免江西被  
災稅糧秋八月壬寅免湖廣被災秋糧己酉禁勢家侵  
奪民利是年日本琉球烏斯藏入貢

十年春正月庚戌大祀天地於南郊三月辛亥以旱霾  
修省求直言甲子召大學士劉健李東陽謝遷於文華  
殿議庶政後以爲常夏五月戊辰小王子犯潮河川己  
巳犯大同六月己卯命侍郎劉大夏李介理宣府大同

軍餉秋七月癸丑命都督楊玉帥京營軍備永平冬十一月庚子吐魯番歸善巴乞通貢是年免南畿山西陝西被災稅糧振山東四川水災安南暹羅烏斯藏入貢十一年春正月丁未大祀天地於南郊二月己巳小王子遣使求貢三月己亥皇太子出閣講讀夏五月戊申甘肅叅將楊翥敗小王子於黑山秋七月己酉總制三邊都御史王越襲小王子於賀蘭山後敗之癸亥徐溥致仕八月癸未振祥符民被河患者冬十月丙寅命工作不得役團營軍士甲戌清寧宮災丁亥敕羣臣修省求直言罷明年上元燈火十一月壬子免陝西織造羊

絨閏月壬戌朔日有食之丁丑給事中吳仕偉請罷鎮  
守中官不報乙酉罷福建織造絲布十二月庚子禁中  
外奢靡踰制壬子以清寧宮災詔赦天下是年免山西  
陝西兩畿廣西廣東被災稅糧吐魯番烏斯藏入貢

十二年春正月辛未大祀天地於南郊免慶成宴二月  
壬辰免山東被災夏稅戊申嚴左道惑衆之禁三月丁  
丑賜倫文敘等進士及第出身有差夏四月癸巳敕宣  
大延綏備邊是月免湖廣江西被災稅糧五月戊寅免  
南畿被災秋糧六月甲辰闕里先師廟災遣使慰祭秋  
八月免河南南畿被災夏稅九月壬午普安賊婦米魯

作亂甲申重建清寧宮成冬十二月庚寅吏部尙書屠  
浦等請罷傳奉官不報是年占城烏斯藏吐魯番瓜哇  
賽瑪爾堪入貢

十三年春正月乙丑大祀天地於南郊二月戊子免山  
西被災稅糧庚辰定問刑條例乙未嚴旌舉連坐之法  
夏四月和碩寇大同遊擊將軍王杲敗績於威遠衛乙  
巳命平江伯陳銳爲靖虜將軍充總兵官太監金輔監  
軍戶部左侍郎許進提督軍務禦之五月甲寅朔日有  
食之丙辰召大學士劉健李東陽謝遷於平臺議京營  
將領癸亥和碩大舉入寇大同左衛遊擊將軍張浚禦

却之六月甲申免江西被災秋糧停山陝採辦物料庚子召陳銳金輔還保國公朱暉太監扶安往代益兵禦寇秋七月己巳京師地震八月辛卯振江西水災冬十月戊申兩京地震是月小王子諸部寇大同十二月辛丑和碩寇大同南掠百餘里是年小王子部入居河套犯延綏神木堡琉球吐魯番烏斯藏入貢

十四年春正月庚戌朔陝西地大震己未大祀天地於南郊二月己亥罷陝西織造中官夏四月庚辰命工部侍郎李鑑總督延綏邊餉戊子命保國公朱暉提督軍務都御史史琳監軍太監苗達分道進師延綏戊戌免

陝西山西物料是月和碩諸部寇固原五月庚戌振大同被兵軍民免稅糧辛酉免陝西被災稅糧戊辰修闕里先師廟命各布政使司上地里圖秋七月丁未泰寧衛賊犯遼東掠長勝諸屯堡癸亥命南京戶部尙書王軾兼左副都御史提督軍務討貴州賊婦米魯丁卯朱暉史琳襲小王子於河套庚午分遣給事中御史清理屯田閏月乙酉都指揮王泰禦小王子於鹽池戰死戊戌振兩畿江西山東河南水災八月己酉免河南被災稅糧是月和碩諸部犯固原大掠韋州環縣萌城靈州己巳減光祿寺供應如元年制和碩諸部犯寧夏東路

九月丙子朔日有食之丁亥遣使募兵於延綏寧夏甘涼甲辰召史琳還起秦紘爲戶部尙書兼副都御史代之冬十月丙寅以馬文升爲吏部尙書劉大夏爲兵部尙書十一月癸巳分遣侍郎何鑑大理寺丞吳一貫振卹兩畿山東河南饑民十二月戊辰遼東大饑振之是月寇出河套是年免湖廣江西山西山東陝西河南畿內被災稅糧安南琉球入貢

十五年春正月丙子朱暉帥師還丙戌大祀天地於南郊二月癸丑免河南被災稅糧三月癸未罷饒州督造瓷器中官庚寅賜康海等進士及第出身有差夏四月

壬寅振京師貧民五月庚子免湖廣被災秋糧秋七月  
己卯錄劉基後裔世襲指揮使己丑王軾破斬米魯貴  
州賊平辛卯命各邊衛設養濟院漏澤園八月庚戌以  
南京鳳陽霪雨大風江溢爲災遣使祭告敕兩京羣臣  
修省九月庚午朔日有食之戊子放減內府所畜鳥獸  
冬十月癸卯罷明年上元燈火十一月壬申瓊州黎賊  
作亂甲午罷廣東採珠十二月己酉大明會典成辛亥  
以病不視朝是月免南畿被災秋糧是年琉球安南入  
貢

十六年春正月癸酉遣官代享太廟二月辛丑視朝戊



申大祀天地於南郊三月癸巳免山西被災稅糧夏四月辛亥敕宣大嚴邊備五月戊子以雲南災變敕羣臣修省命刑部侍郎樊瑩巡視雲貴察官吏問民疾苦秋七月廣東官軍討黎賊敗之九月丁丑振兩畿浙江山東河南湖廣被災軍民冬十一月甲戌罷營造器物及明年上元烟火是月免南畿被災秋糧十二月丙午免淮揚浙江物料是年安南暹羅哈密吐魯番賽瑪爾堪入貢

十七年春正月辛未命南京工部侍郎高銓振應天饑甲戌大祀天地於南郊壬午嚴誣告之禁丙戌以道士

崔志端爲禮部尙書二月甲寅減供用物料己未嚴讖  
緯妖書之禁庚申免浙江被災稅糧三月壬戌太皇太  
后崩癸未定太廟各室一帝一后之制夏四月己酉葬  
孝肅皇太后閏月辛酉闕里先師廟成遣大學士李東  
陽祭告庚午免山東被災稅糧乙亥以四方災荒敕羣  
臣修省庚辰命諸司詳議害民弊政五月壬辰罷南京  
蘇杭織造中官六月癸亥雨雪乙亥始命兩京五品以  
下官六年一考察辛巳召劉健李東陽於暖閣議邊務  
癸未和碩入大同指揮鄭瑀力戰死甲申廬山鳴秋七  
月癸巳命工部侍郎李鏐大理少卿吳一貫通政司參

議叢蘭分道經畧邊塞甲午命左副都御史閻仲宇通  
政司參議熊偉分理邊餉八月戊辰命天下撫按三司  
官奏軍民利病士民建言可採者所司以聞甲申免南  
畿被災夏稅丁亥召馬文升戴珊於暖閣諭以明年考  
察務訪實跡以求至當九月庚寅諭法司不得任情偏  
執致淹獄囚甲寅命太常少卿孫交經畧宣大邊務丁  
巳御暖閣諭劉健李東陽謝遷諸邊首功巡按御史察  
勘動淹歲年非所以示勸自今奏報以遠近立限違者  
詰治諭講官進講直言毋諱冬十一月戊子罷雲南銀  
場十二月庚午申閉糴之禁甲申免湖廣被災秋糧是

年琉球賽瑪爾堪哈密烏斯藏入貢

十八年春正月己丑小王子諸部圍靈州入花馬池遂掠韋州環縣命戶部侍郎顧佐理陝西軍餉乙未大祀天地於南郊甲辰小王子陷寧夏清水營二月戊辰御奉天門諭戶兵工三部曰方今生齒漸繁而戶口軍伍日就耗損此皆官司撫卹無方因仍苟且所致其悉議弊政以聞三月癸卯賜顧鼎臣等進士及第出身有差夏四月戊寅命刑部侍郎何鑑撫輯荆襄流民甲申帝不豫五月庚寅大漸召大學士劉健李東陽謝遷受顧命辛卯崩於乾清宮年三十有六六月庚申上尊諡廟

號孝宗葬泰陵

贊曰明有天下傳世十六太祖以來繼體之君可稱者  
仁宗宣宗孝宗而已仁宣之際國勢初張綱紀修立淳  
樸未漓也成化以後號爲太平夫宴安則長佚怠富盛  
則啟驕奢孝宗恭儉愛民勤勤於持盈保泰十八年間  
朝序清明民物康阜非偶然也雖其時監軍鎮守未革  
刑餘內批傳奉尙沿秕政而乾綱是飭大德不踰信爲  
一代令主矣

一 漢高祖本末

漢高祖內其朝奉論古無東而南歸長論大國

漢高祖內其朝奉論古無東而南歸長論大國

漢高祖內其朝奉論古無東而南歸長論大國

漢高祖內其朝奉論古無東而南歸長論大國

漢高祖內其朝奉論古無東而南歸長論大國

漢高祖內其朝奉論古無東而南歸長論大國

漢高祖內其朝奉論古無東而南歸長論大國

漢高祖內其朝奉論古無東而南歸長論大國

明史卷十六

本紀第十六

總裁官總事務 經筵講官少保兼太子太保保慶學士兼詹事府尚書事加六等廷等奉

敕修

武宗

武宗承天達道英肅睿哲昭德顯功弘文思孝毅皇帝  
諱厚照孝宗長子也母孝康敬皇后弘治五年立爲皇  
太子性聰穎好騎射十八年五月孝宗崩壬寅卽皇帝  
位以明年爲正德元年大赦天下除弘治十六年以前  
逋賦戊申小王子犯宣府總兵官張俊敗績庚戌以太  
監苗達監督軍務保國公朱暉爲征虜將軍充總兵官

右都御史史琳提督軍務禦之秋八月甲寅尊皇太后  
爲太皇太后皇后爲皇太后丙子召朱暉等還九月甲  
午南京地震丁酉振陝西饑十月丙辰小王子犯甘肅  
庚午葬敬皇帝於泰陵十一月甲申御文華殿日講是  
年占城安南入貢

正德元年春正月乙酉享太廟己丑大祀天地於南郊  
二月壬子御經筵乙丑耕藉田三月甲申釋奠於先師  
孔子夏五月丙申減蘇杭織造歲幣六月辛酉禁吏民  
奢靡免陝西被災稅糧是日大風雨壞郊壇獸瓦庚午  
諭羣臣修省秋八月乙卯復遣內官南京織造戊午立



皇后夏氏冬十月丁巳戶部尚書韓文帥廷臣請誅亂  
政內臣馬永成等八人大學士劉健李東陽謝遷主之  
戊午韓文等再請不聽以劉瑾掌司禮監邱聚谷大用  
提督東西廠張永督十二團營兼神機營魏彬督三千  
營各據要地劉健李東陽謝遷乞去健遷是日致仕已  
未東陽復乞去不允壬戌以吏部尚書焦芳兼文淵閣  
大學士吏部侍郎王鏊兼翰林學士入閣預機務戊辰  
停日講十一月甲辰罷韓文十二月丁巳命錦衣衛官  
點閱給事中癸酉除曲阜孔氏田賦是年哈密烏斯藏  
入貢

二年春正月乙亥朔日有食之乙酉大祀天地於南郊  
閏月庚戌給事中艾洪呂翀劉蒞及南京給事中戴銑  
御史薄彥徽等二十一人疏劾太監張鳳并請留劉健  
謝遷杖之闕下二月戊戌御史王良臣疏救戴銑等杖  
於午門御史王時中爲劉瑾所劾荷校於都察院三月  
辛未以大學士劉健謝遷尚書韓文楊守隨張敷華林  
瀚五十三人黨比宣戒羣臣是月敕各鎮守太監預刑  
名政事夏五月戊午度僧道四萬人己巳復寧王宸濠  
護衛六月甲戌孝宗神主祔太廟戊寅罷修邊垣輸其  
費於京師是月劉瑾誣劾前總制三邊都御史楊一清

破冒邊費下錦衣衛獄尋釋之秋八月丙戌作豹房冬  
十月甲申詔以邊倉多虧逮各邊巡撫都御史及管糧  
郎中下獄丙戌以南京戶部尚書楊廷和爲文淵閣大  
學士預機務十二月壬辰開浙江福建四川銀礦是年  
琉球入貢

三年春正月丁未大祀天地於南郊辛亥大計外吏罷  
翰林學士吳儼御史楊南金二月己巳令京官告假違  
限及病滿一年者皆致仕三月乙卯賜呂柟等進士及  
第出身有差夏四月乙亥軍民納銀得授都指揮僉事  
以下官六月壬辰得匿名書於御道數劉瑾罪瑾矯詔

跪羣臣承天門外詰之下三百餘人於錦衣衛獄尋釋  
之秋七月壬子命天下選樂工送京師八月辛巳立內  
厰劉瑾領之庚寅下韓文錦衣衛獄罰輸米千石於大  
同是月山東盜起九月癸卯削致仕尚書雍泰馬文升  
許進劉大夏籍庚戌劉瑾剋輸米贖罪法辛酉逮劉大  
夏下獄戌肅州癸亥振南京饑冬十月辛未命南京工  
部侍郎畢亨振湖廣河南饑十一月乙未振鳳陽諸府  
饑是年安南哈密賽瑪爾堪烏斯藏入貢

四年春正月丙午大祀天地於南郊二月丙戌削劉健  
謝遷籍三月甲辰振浙江饑己酉吏部侍郎張綵請不

時考察京官從之夏四月乙亥王鏊致仕六月戊子以  
吏部尚書劉宇兼文淵閣大學士預機務秋八月辛酉  
遣使覈各邊屯田是月義州軍變閏九月小王子犯延  
綏圍總兵官吳江於隴州城冬十一月甲子犯花馬池  
總制尚書才寬戰死十二月庚戌奪劉健謝遷等六百  
七十五人誥敕是年兩廣江西湖廣陝西四川並盜起  
琉球安南哈密吐魯番賽瑪爾堪入貢

五年春正月丁卯大祀天地於南郊庚辰籍故尚書秦  
紘家二月癸巳以兵部尚書曹元爲吏部尚書兼文淵  
閣大學士預機務三月辛未禱雨釋獄囚免正德三年

通賦乙酉江西賊熾命右都御史王哲巡視南贛刑部  
尚書洪鐘總制川陝河南鄖陽軍務兼振卹湖廣夏四  
月庚寅安化王真鑄反殺巡撫都御史安惟學總兵官  
姜漢丙午起右都御史楊一清總制寧夏延綏甘涼軍  
務涇陽伯神英充總兵官討真鑄辛亥詔赦天下命太  
監張永總督寧夏軍務是日遊擊將軍仇鉞襲執真鑄  
寧夏平五月癸未焦芳致仕六月庚子帝自號大慶法  
王所司鑄印以進丙午劉瑾罷秋七月壬申洪鐘討沔  
陽賊平之八月甲午劉瑾以謀反下獄詔自正德二年  
後所更政令悉如舊戊戌治劉瑾黨吏部尚書張綵下

獄已亥曹元罷丁未復革寧王護衛戊申劉瑾伏誅己酉釋謫戍諸臣九月丙辰論平寘鐔功封仇鉞咸寧伯戊午以吏部尚書劉忠梁儲並兼文淵閣大學士預機務己未以平寘鐔劉瑾功封太監張永兄富弟容皆爲伯癸酉封義子指揮同知朱德太監谷大用兄大寬馬永成兄山魏彬弟英皆爲伯冬十月己亥戮張綵尸於市乙巳霸州降盜劉六劉七叛十二月己丑四川賊陷江津僉事吳景死之是年日本占城哈密賽瑪爾堪吐魯番烏斯藏入貢

六年春正月甲子大祀天地於南郊癸酉賊陷營山殺

僉事王源二月丙申寘鑄伏誅己酉起左都御史陳金  
總制江西軍務討賊三月戊辰賜楊慎等進士及第出  
身有差庚午命惠安伯張偉充總兵官右都御史馬中  
錫提督軍務討直隸河南山東賊丙子免被寇州縣稅  
楊一年是月小王子入河套犯沿邊諸堡夏四月癸未  
劉忠乞省墓歸是月淮安盜起六月山西盜起秋七月  
壬申賊楊虎與劉六劉七合犯文安京師戒嚴癸酉調  
宣府延綏兵入援八月己卯命兵部侍郎陸完將邊軍  
討直隸山東河南賊四川巡撫都御史林俊擒斬賊首  
藍廷瑞鄢本恕甲申賊劉六犯固安丙戌召張偉馬中



錫還九月丙寅再調宣府及遼東兵益陸完軍冬十月  
癸未賊陷長山典史李暹戰死甲申賊焚糧艘於濟寧  
州丁酉甘州副總兵白琮敗小王子於柴溝十一月庚  
戌命太監谷大用張忠伏羌伯毛銳帥京軍會陸完討  
賊丙辰命戶部侍郎叢蘭王瓊振兩畿河南山東戊午  
京師地震辛酉敕修省乙亥瘞暴骨十二月癸巳以禮  
部尚書費宏兼文淵閣大學士預機務甲午清河口至  
柳鋪黃河清三日辛丑四川賊麻六兒掠蒼溪兵備副  
使馮傑敗死是年自畿輔迄江淮楚蜀盜賊殺官吏山  
東尤甚至破九十餘城道路梗絕琉球哈密入貢

七年春正月甲寅賊犯霸州京師戒嚴丁巳陷大城知縣張汝舟主簿李銓戰死己未大祀天地於南郊二月丁丑命副都御史彭澤咸寧伯仇鉞提督軍務太監陸闇監軍討河南賊己卯賊犯萊州指揮僉事蔡顯等力戰死三月辛未副總兵時源敗績於河南都督僉事馮禎力戰死夏五月丙午陸完敗賊於萊州山東賊平甲寅左都御史陳金討平撫州賊丙寅賊殺副都御史馬炳然於武昌江中閏月壬辰仇鉞敗賊於光山河南賊平秋七月癸巳江西賊殺副使周憲於華林丁酉振四川饑八月癸亥陸完追殲劉七等賊於狼山九月乙酉

陳金討平華林賊戊子召洪鐘還以都御史彭澤總制  
四川軍務丙申賜義子一百二十七人國姓冬十月免  
河南江西浙江被災寇者稅糧十一月壬申以時源爲  
平賊將軍會彭澤討四川賊丁亥留大同宣府遼東兵  
於京營李東陽諫不聽十二月丁卯李東陽致仕是月  
免兩畿山東山西陝西被災寇者稅糧是年安南日本  
哈密入貢

八年春正月癸酉命右副都御史俞諫代陳金討江西  
賊壬午大祀天地於南郊乙酉以邊將江彬許泰分領  
京營賜國姓尋設兩官廳軍命彬泰分領之癸巳命戶

部侍郎叢蘭僉都御史陳玉巡邊二月丙午以平賊功  
封太監谷大用弟大亮陸閭姪永皆爲伯三月戊子置  
鎮國府處宣府官軍甲午以旱敕羣臣修省夏四月乙  
丑彭澤破賊於劍州五月辛巳以仇鉞充總兵官帥京  
營兵禦敵於大同六月戊戌河決黃陵岡乙卯俞諫破  
賊於貴溪秋八月免南畿水災稅糧吐魯番襲據哈密  
冬十月丁未俞諫連破賊於東鄉江西賊平十二月命  
南京刑部侍郎鄧璋振江西饑是年哈密入貢

九年春正月丁丑大祀天地於南郊庚辰乾清宮災二  
月庚子帝始微行丙午以禮部尚書靳貴兼文淵閣大

學士預機務癸丑彭澤時湏討平四川賊三月辛巳賜  
唐臯等進士及第出身有差夏四月丁酉復寧王護衛  
子屯田五月乙丑費宏致仕己丑命彭澤總督甘肅軍  
務經理哈密六月乙卯開雲南銀礦秋七月乙丑小王  
子犯宣府大同命太監張永提督軍務都督白玉充總  
兵官帥京營兵禦之八月辛卯朔日有食之辛丑小王  
子犯白羊口乙巳京師地震己未小王子入寧武關掠  
忻州定襄寧化九月壬戌犯宣府蔚州庚午帝狎虎被  
傷不視朝編修王思以諫謫三河驛丞冬十月己酉遣  
使採木於川湖十一月辛酉歸善王當洹坐違祖制廢

爲庶人自殺十二月甲寅建乾清宮加天下賦一百萬  
是年安南哈密烏斯藏入貢

十年春正月癸亥薄暮享太廟戊辰薄暮祀天地於南  
郊三月壬申楊廷和以憂去夏閏四月辛酉以吏部尚  
書楊一清兼武英殿大學士預機務戊寅召彭澤還秋  
八月丙寅小王子犯固原冬十一月己酉遣太監劉允  
使烏斯藏十二月癸丑朔日有食之己卯免南畿旱災  
秋糧是年琉球安南哈密賽瑪爾堪入貢

十一年春正月乙未大祀天地於南郊夏四月振河南  
饑五月庚寅吐魯番以哈密來歸甲辰錄自宮男子二

千四百餘人充海戶是月振陝西饑秋七月乙未小王  
子犯薊州白羊口太監張忠監督軍務左都督劉暉充  
總兵官帥東西官廳軍禦之丙午命工部侍郎趙璜俞  
琳飭畿內武備八月丁巳命左都御史彭澤成國公朱  
輔帥京營兵防邊庚申賜宛平縣被寇者人米二石甲  
子楊一清致仕戊辰以王守仁爲僉都御史巡撫南贛  
汀漳時江西羣盜復起守仁次第討平之丁丑以禮部  
尚書蔣冕兼文淵閣大學士預機務九月吐魯番復據  
哈密侵肅州殺遊擊芮寧冬十月己酉朔享太廟遣使  
代行禮十一月甲申免湖廣被災稅糧是年琉球天方

入貢

十二年春正月己丑大祀天地於南郊遂獵於南海子  
夜中還御奉天殿受朝賀三月癸巳賜舒芬等進士及  
第出身有差戊戌以兩淮浙江四川河東鹽課充陝西  
織造夏四月壬子靳貴致仕丙辰副總兵鄭廉敗吐魯  
番於瓜州五月丙子以禮部尚書毛紀兼東閣大學士  
預機務六月乙巳朔日有食之秋八月甲辰徵服如昌  
平乙巳梁儲蔣冕毛紀追及於沙河請回蹕不聽己酉  
至居庸關巡關御史張欽閉關拒命乃還丙辰至自昌  
平戊午夜視朝癸亥命副都御史吳廷舉振湖廣饑丙



寅夜微服出德勝門如居庸關辛未出關幸宣府命谷  
大用守關毋出京朝官九月辛卯河決城武壬辰如陽  
和自稱總督軍務威武大將軍總兵官庚子輸帑銀一  
百萬兩於宣府冬十月癸卯駐蹕順聖川甲辰小王子  
犯陽和掠應州丁未親督諸軍禦之戰五日辛亥寇引  
去駐蹕大同十一月丁亥召楊廷和復入閣戊子還至  
宣府十二月癸亥羣臣赴行在請還宮不得出關而還  
閏月丁亥迎春於宣府是年琉球烏斯藏入貢

十三年春正月辛丑朔帝在宣府丙午至自宣府命羣  
臣具綵帳羊酒郊迎御帳殿受賀丁未罷南郊致齋庚

戊大祀天地於南郊遂獵於南海子辛亥還宮辛酉復  
如宣府是月振兩畿山東水災給京師流民米八三斗  
瘞死者二月己卯太皇太后崩壬午至自宣府三月戊  
辰如昌平夏四月己巳朔謁六陵遂幸密雲五月己亥  
朔日有食之駐蹕喜峯口戊申至自喜峯口六月庚辰  
太皇太后梓宮發京師帝戎服從甲申葬孝貞純皇后  
乙酉至自昌平秋七月己亥錄應州功敘廕陞賞者五  
萬餘人丙午復如宣府八月乙酉如大同九月庚子次  
偏頭關癸丑敕曰總督軍務威武大將軍總兵官朱壽  
親統六師肅清邊境特加封鎮國公歲支祿米五千石

吏部如敕奉行甲寅封朱彬爲平虜伯朱泰爲安邊伯  
冬十月戊辰渡河已卯次榆林十一月庚子調西官廳  
及四圍營兵赴宣大王子次綏德幸總兵官戴欽第十  
二月戊寅渡河幸石州戊子次太原是年琉球天方衛  
拉特入貢

十四年春正月丙申朔帝在太原甲辰改卜郊王子還  
宣府二月壬申至自宣府丁丑大祀天地於南郊遂獵  
於南海子是日京師地震己丑帝自加太師諭禮部曰  
總督軍務威武大將軍總兵官太師鎮國公朱壽將巡  
兩畿山東祀神祈福其具儀以聞三月癸丑以諫巡幸

下兵部郎中黃鞏六人於錦衣衛獄跪修撰舒芬百有  
七人於午門五日金吾衛都指揮僉事張英自刃以諫  
衛士奪刃得不死鞫治杖殺之乙卯下寺正周敘行人  
司副余廷瓚主事林大輅三十三人於錦衣衛獄戊午  
杖舒芬等百有七人於闕下是日風霾晝晦夏四月甲  
子免南畿被災稅糧戊寅杖黃鞏等三十九人於闕下  
先後死者十一人五月己亥詔山東山西陝西河南湖  
廣流民歸業者官給廩食廬舍牛種復五年六月丙子  
寧王宸濠反巡撫江西右副都御史孫燧南昌兵備副  
使許逵死之戊寅陷南康己卯陷九江秋七月甲辰帝

自將討宸濠安邊伯朱泰爲威武副將軍帥師爲先鋒  
丙午宸濠犯安慶都指揮楊銳知府張文錦禦却之辛  
亥提督南贛汀漳軍務副都御史王守仁帥兵復南昌  
丁巳守仁敗宸濠於樵舍擒之八月癸未車駕發京師  
丁亥次涿州王守仁捷奏至秘不發冬十一月乙巳漁  
於清江浦壬子冬至受賀於太監張陽第十二月辛酉  
次揚州乙酉渡江丙戌至南京是歲淮揚饑人相食蹇  
瑪爾堪入貢

十五年春正月庚寅朔帝在南京癸巳改卜郊夏四月  
己未振淮揚諸府饑六月丁巳次牛首山諸軍夜驚秋

七月小王子犯大同宣府八月癸未免江西稅糧閏月  
癸巳受江西俘丁酉發南京癸卯次鎮江幸大學士楊  
一清第臨故大學士靳貴喪九月己巳漁於積水池舟  
覆救免遂不豫冬十月庚戌次通州十一月庚申治交  
通宸濠者罪執吏部尚書陸完赴行在十二月己丑宸  
濠伏誅甲午還京師告捷於郊廟社稷丁酉大祀天地  
於南郊初獻疾作不克成禮是年琉球占城佛郎機吐  
魯番入貢

十六年春正月癸亥改卜郊二月己亥巡撫雲南副都  
御史何孟春討平彌勒州苗三月癸丑朔日有食之庚

申改西官廳爲威武團營乙丑大漸諭司禮監曰朕疾不可爲矣其以朕意達皇太后天下事重與閣臣審處之前事皆由朕誤非汝曹所能預也丙寅崩於豹房年三十有一遺詔召興獻王長子嗣位罷威武團營遣還各邊軍革京城內外皇店放豹房番僧及教坊司樂人戊辰頒遺詔於天下釋繫囚還四方所獻婦女停不急工役收宣府行宮金寶還內庫庚午執江彬等下獄世宗入立五月己未上尊諡廟號武宗葬康陵

贊曰毅皇承孝宗之遺澤民庶樂康朝多耆舊使有中主之資委裘端拱亦可蒙業受成也顧乃昵比宵人慢

遊淫戲萬幾坐曠大柄潛移劉瑾煽禍於前江彬肆毒  
於後紀綱廢墜中外寒心矣然且俘叛藩靖羣盜卧薪  
厝火危而不亡將天心未厭猶欲扶持而安全之耶一  
傷於狎虎再病於覆舟身殞豹房卒用不嗣禽荒色荒  
之戒有以夫



明史卷十七

本紀第十七

五節 總管蠶事務 經講官保兼太子太保殿大學士兼詹事府詹事加綬廷筆

救修

世宗一

世宗欽天履道英毅神聖宣文廣武洪仁大孝肅皇帝

諱厚熹憲宗孫也父興獻王祐杭國安陸正德十四年

薨帝年十有三以世子理國事十六年三月辛酉未除

服特命襲封丙寅武宗崩無嗣慈壽皇太后與大學士

楊廷和定策遣大學士梁儲定國公徐光祚駙馬都尉

崔元禮部尚書毛澄太監谷大用韋彬張錦以遺詔迎

王於興邸夏四月癸未發安陸癸卯至京師止於郊外  
禮官具儀請如皇太子卽位禮王顧長史袁宗臯曰遺  
詔以我嗣皇帝位非皇子也大學士楊廷和等請如禮  
臣所具儀由東安門入居文華殿擇日登極不允會皇  
太后趣羣臣上箋勸進乃卽郊外受箋是日日中入自  
大明門遣官告宗廟社稷謁大行皇帝几筵朝皇太后  
出御奉天殿卽皇帝位以明年爲嘉靖元年大赦天下  
卹錄正德中言事罪廢諸臣賜天下明年田租之半自  
正德十五年以前逋賦盡免之丙午遣使奉迎母妃蔣  
氏召費宏復入閣戊申命禮臣集議興獻王封號五月

乙卯罷大理銀礦丙辰梁儲致仕壬戌以吏部侍郎袁宗臯爲禮部尚書兼文淵閣大學士預機務壬申錢寧伏誅六月戊子江彬伏誅乙未縱內苑禽獸令天下毋得進獻丁酉革錦衣衛冒濫軍校三萬餘人戊戌振江西災壬寅革傳陞官癸卯振遼東饑秋七月壬子進士張璫言繼統不繼嗣請尊崇所生立興獻王廟於京師初禮臣議考孝宗改稱興獻王皇叔父援宋程頤議濮王禮以進不允至是下璫奏命廷臣集議楊廷和等抗疏力爭皆不聽癸丑命自今親喪不得奪情著爲令丁巳小王子犯莊浪指揮劉爵禦却之丙子革錦衣衛所

及監局寺廠司庫旗校軍士匠役投充新設者凡十四萬八千餘人丁丑寧津盜起德平知縣龔諒死之九月乙卯袁宗臯卒庚午葬毅皇帝於康陵冬十月己卯朔追尊父興獻王爲興獻帝祖母憲宗貴妃邵氏爲皇太后母妃爲興獻后壬午興獻后至自安陸十一月庚戌振江西災丁巳錄平宸濠功封王守仁新建伯甲戌乾清宮成罷廣西貢香諭各鎮巡守備官凡額外之征悉罷之

嘉靖元年春正月癸丑享太廟己未大祀天地於南郊清寧宮後殿災命稱孝宗皇考慈壽皇太后聖母興獻

帝后爲本生父母己巳甘州兵亂殺巡撫都御史許銘  
二月己卯耕藉田三月辛亥佛特衛獻生豹却之甲寅  
釋奠於先師孔子丁巳上慈壽皇太后尊號曰昭聖慈  
壽皇太后武宗皇后曰莊肅皇后戊午上皇太后尊號  
曰壽安皇太后興獻后曰興國太后夏四月壬辰命各  
邊巡按御史三年一閱軍馬器械秋七月己酉以南畿  
浙江江西湖廣四川旱詔撫按官講求荒政九月辛未  
立皇后陳氏冬十月辛卯振南畿湖廣江西廣西災免  
稅糧有差壬辰以災傷敕羣臣修省十一月庚申壽安  
皇太后崩十二月戊寅振陝西被寇及山東礦賊流劫

者是年琉球入貢

二年春正月乙卯大祀天地於南郊丁卯小王子犯沙河堡總兵官杭雄戰却之二月癸未振遼東饑壬辰總督軍務右都御史俞諫總兵官魯綱討平河南山東賊三月乙巳諳達寇大同甲寅武宗神主祔太廟戊午賜姚涑等進士及第出身有差夏四月壬申以災異敕羣臣修省癸未以宋朱熹裔孫墅爲五經博士癸巳命兩京三品以上及撫按官舉堪任守令者閏月始修醮官中五月庚午小王子犯密雲石塘嶺殺指揮使殷隆六月癸丑以災傷免嘉靖元年天下稅糧之半秋八月辛

酉小王子犯丁字堡都指揮王綱戰死冬十一月丁卯  
免南畿被災稅糧己丑振河南饑是年賽瑪爾堪吐魯  
番天方入貢

三年春正月丙寅朔兩畿河南山東陝西同時地震丁  
丑大祀天地於南郊丙戌南京刑部主事桂萼請改稱  
孝宗曰皇伯考興獻帝曰皇考興國太后曰聖母下廷  
臣議是月朶顏入寇二月丙午楊廷和致仕庚戌南京  
地震三月壬申振淮揚饑辛巳振河南饑丙戌以席書  
爲禮部尚書夏四月己酉上昭聖皇太后尊號曰昭聖  
康惠慈壽皇太后庚戌上興國太后尊號曰本生聖母

章聖皇太后癸丑追尊興獻帝爲本生皇考恭穆獻皇帝大赦辛酉編修鄒守益請罷興獻帝稱考立廟下錦衣衛獄五月乙丑蔣冕致仕修撰呂柟言大禮未正下錦衣衛獄丁丑遣使迎獻皇帝神主於安陸己卯以吏部尚書石琚兼文淵閣大學士預機務六月丙午以主事桂萼張璠爲翰林院學士方獻夫爲侍講學士辛亥御史段續陳相請正席書桂萼罪吏部員外郎薛蕙上爲人後解戊午鴻臚少卿胡侍言張璠等議禮之失俱下獄秋七月乙亥更定章聖皇太后尊號去本生之稱戊寅廷臣伏闕固爭下員外郎馬理等一百三十四人



錦衣衛獄癸未杖馬理等於廷死者十有六人甲申奉  
安獻皇帝神主於觀德殿己丑毛紀致仕辛卯杖修撰  
楊慎檢討王元正給事中劉濟安磐張漢卿張原御史  
王時柯於廷原死慎等戍謫有差是月免南畿河南被  
災稅糧八月癸巳大同兵變殺巡撫都御史張文錦乙  
卯以吏部侍郎賈詠爲禮部尚書兼文淵閣大學士預  
機務九月丙寅定稱孝宗爲皇伯考昭聖皇太后爲皇  
伯母獻皇帝爲皇考章聖皇太后爲聖母丙子詔天下  
丙戌吐魯番入寇圍肅州命兵部尚書金獻民總制軍  
務署都督僉事杭雄充總兵官太監張忠提督軍務禦

之冬十一月己卯命戶部侍郎胡瓚提督宣大軍務都督魯綱充總兵官討大同叛卒十二月壬子甘涼寇退召金獻民還戊午起致仕大學士楊一清爲兵部尚書總制陝西三邊軍務是年琉球入貢魯默特貢獅子犀牛

四年春正月丙寅西海布爾噶犯甘肅總兵官姜夔擊敗之辛未大祀天地於南郊二月乙卯禁淹獄囚三月甲戌命修獻皇帝實錄壬午仁壽宮災夏五月甲戌賜廬州知府龍誥官秩詔天下做誥備荒振濟法庚辰作世廟祀獻皇帝八月戊子作仁壽宮是月田州指揮岑

猛叛詔都御史姚鏌討之冬十月丁亥作玉德殿景福  
安喜二宮十二月辛丑大禮集議成頒示天下閏月乙  
卯朔日有食之乙亥振遼東災是年天方入貢

五年春正月乙未大祀天地於南郊二月甲寅命道士  
邵元節爲真人庚辰免山西被災稅糧壬午振京師饑  
三月辛丑賜龔用卿等進士及第出身有差丁未定有  
司久任法夏五月庚子楊一清復入閣秋七月庚寅免  
四川被災稅糧八月丙寅振湖廣饑九月己亥章聖皇  
太后有事於世廟冬十月辛亥朔親享如太廟禮壬子  
振南畿浙江災免稅糧物料庚午頒御製敬一箴於學

官是年暹羅入貢

六年春正月癸未命羣臣陳民間利病己丑大祀天地於南郊二月辛亥小王子犯宣府參將王經戰死癸亥費宏石珪致仕庚午召謝遷復入閣三月庚辰寇復犯宣府參將關山戰死甲午以禮部侍郎翟鑿爲吏部侍郎兼翰林學士入閣預機務夏四月己巳免廣西被災稅糧五月丁丑朔日有食之甲申詔起前禮部尚書羅欽順爲吏部尚書辭不拜丁亥起前南京兵部尚書王守仁以原官兼左都御史總制兩廣江西湖廣軍務討田州叛蠻秋八月庚戌以議李福達獄下刑部尚書顏

頤壽左都御史聶賢大理寺卿潘沐等於錦衣衛獄侍郎桂萼張璉少詹事方獻夫署三法司雜治之總制尚書王憲擊敗小王子於石舊墩癸亥賈詠致仕庚午振湖廣水災九月己卯免江西河南山西被災秋糧壬午頒欽明大獄錄於天下冬十月戊申以兵部侍郎張璉爲禮部尚書兼文淵閣大學士預機務是年魯默特入貢

七年春正月癸未考覈天下巡撫官丙戌大祀天地於南郊三月戊寅謝遷致仕癸巳命右都御史伍文定爲兵部尚書提督軍務侍郎梁材督理糧儲討雲南叛蠻

夏四月甲寅甘露降告於郊廟六月辛丑明倫大典成  
頒示天下癸卯定議禮諸臣罪追削楊廷和等籍丁卯  
雲南蠻平秋七月己卯追尊孝惠皇太后爲太皇太后  
恭穆獻皇帝爲恭睿淵仁寬穆純聖獻皇帝辛巳尊章  
聖皇太后爲章聖慈仁皇太后戊子詔天下八月壬子  
免河南被災稅糧九月甲戌王守仁討廣西蠻悉平之  
壬午振嘉興湖州災冬十月丁未皇后崩十一月丙午  
吐魯番遣使求貢詔許之丙寅立順妃張氏爲皇后十  
二月丙子小王子犯大同指揮趙源戰死是年琉球入

貢

八年春正月己亥振山西災庚戌大祀天地於南郊二月癸酉以吏部尚書桂萼兼武英殿大學士預機務丁丑振襄陽饑甲申旱躬禱於南郊乙酉禱於社稷三月丙申葬悼靈皇后戊戌振河南饑甲寅賜羅洪先等進士及第出身有差秋七月甲午以議獄不當下郎中魏應召等於獄右都御史熊浹削籍八月丙子張璫桂萼罷壬午始親祭山川著爲令九月癸巳召張璫復入閣癸丑楊一清罷是月免兩畿河南被災稅糧振江西湖廣饑冬十月癸亥朔日有食之己巳除外戚世封著爲令十一月庚子召桂萼復入閣甲辰振浙江災戊申禱

雪已酉雪丁巳親詣郊壇告謝百官表賀是年天方賽  
瑪爾堪吐魯番入貢

九年春正月丁酉大祀天地於南郊丙午作先蠶壇於  
北郊丁巳振山西饑二月戊辰耕藉田乙亥振京師饑  
丁丑禁官民服舍器用踰制三月丁巳皇后親蠶於北  
郊夏四月丙戌振延綏饑五月己亥更建四郊六月癸  
亥立曲阜孔顏孟三氏學八月壬午免江西被災稅糧  
九月壬辰罷雲南鎮守中官乙未免南畿被災秋糧冬  
十一月辛丑更正孔廟祀典定孔子謚號曰至聖先師  
孔子巳酉祀昊天上帝於南郊禮成大赦是年琉球入



貢

十年春二月辛卯祈穀於大祀殿奉太祖太宗配甲午  
更定廟祀奉德祖於祧廟乙巳桂萼致仕二月甲戌免  
盧鳳淮揚被災秋糧壬申賜張璉名孚敬三月戊申罷  
四川分守中官夏四月丁巳皇后親蠶於西苑甲子禘  
於太廟五月壬子祀皇地祇於方澤閏六月己丑罷浙  
江湖廣福建兩廣及獨石萬全永寧鎮守中官秋七月  
癸丑侍郎葉相振陝西饑戊午張孚敬罷辛巳鄭王厚  
烷獻白雀薦之宗廟八月辛丑改安陸州曰承天府九  
月乙丑西苑宮殿成設成祖位致祭宴羣臣丙寅以禮

部尚書李時兼文淵閣大學士預機務壬申幸西苑御  
無逸殿命李時翟鑾進講宴儒臣於幽風亭冬十一月  
甲寅祀天於南郊戊辰免陝西被災秋糧丁丑召張孚  
敬復入閣十二月戊子御史喻希禮石金因修醮請宥  
議禮諸臣罪下錦衣衛獄

十一年春正月辛未祈穀於圓丘始命武定侯郭勛攝  
事二月戊戌免湖廣被災稅糧三月戊辰賜林大欽等  
進士及第出身有差夏四月辛卯續封常遇春李文忠  
鄧愈湯和後爲侯五月丙子起前吏部尚書方獻夫以  
原官兼武英殿大學士預機務六月壬午免畿內被災

秋糧甲申續封劉基後誠意伯秋七月戊辰免南畿被災夏稅八月戊子以星變敕羣臣修省辛丑張孚敬罷九月丁巳振陝西饑丁卯免廬鳳淮揚滁和徐被災稅糧冬十月甲申編修楊名以災異陳言下獄謫戍是月免山東被災稅糧振山西饑十一月甲寅四川巡撫都御史宋滄獻白兔羣臣表賀庚申祀天於南郊十二月乙亥免畿內被災稅糧是年琉球哈密吐魯番天方賽瑪爾堪入貢

十二年春正月丙午河南巡撫都御史吳山獻白鹿羣臣表賀自後諸瑞異表賀以爲常丙辰召張孚敬復入

閏是月免浙江河南被災稅糧二月乙酉振雲南饑三月丙辰釋奠於先師孔子秋八月乙未以皇子生詔赦天下九月庚戌廣東巢賊亂提督侍郎陶諧討平之冬十月乙亥大同兵亂殺總兵官李瑾代王奔宣府丙子下建昌侯張延齡於獄十一月己亥振遼東災癸丑翟鑾以憂去十二月己卯濟農犯寧夏總兵官王効副總兵梁震擊敗之是年吐魯番天方入貢

十三年春正月癸卯廢皇后張氏壬子立德妃方氏爲皇后二月己丑總督宣大侍郎張瓚撫定大同亂卒辛卯代王返國三月壬申振大同被兵者乙酉濟農犯響

水堡參將任傑擊敗之夏四月己酉方獻夫致仕六月  
甲子南京太廟災秋八月壬子寇犯花馬池梁震禦却  
之冬十一月庚午祀天於南郊是年琉球入貢

十四年春正月壬申罷督理倉場中官丙戌莊肅皇后  
崩二月己亥作九廟丁未禁官服非制三月戊子葬孝  
靜皇后於康陵己丑遼東軍亂執都御史呂經夏四月  
甲午張孚敬致仕召費宏復入閣丙申賜韓應龍等進  
士及第出身有差丙午廣寧兵亂六月濟農犯大同總  
兵官魯綱禦却之秋七月甲申廣寧亂卒平八月乙巳  
詔九卿會推巡撫官著爲令冬十月戊申費宏卒十一

月乙亥祀天於南郊是年烏斯藏入貢  
十五年春二月癸巳振湖廣災三月丙子奉章聖皇太后如天壽山謁陵免昌平今年稅糧三之二賜高年粟帛癸未謁恭讓章皇后景皇帝陵是日還宮夏四月癸巳詔建山陵癸卯詣七陵祭告癸丑還宮是月濟農犯甘涼總兵官姜奭擊敗之秋七月庚午如天壽山丁丑還宮是秋濟農犯延綏官軍四戰皆敗之冬十月己亥更定世廟爲獻皇帝廟戊申如天壽山壬子還宮十一月戊午以皇長子生詔赦天下辛巳祀天於南郊十二月辛卯九廟成閏月癸亥以定廟制加上兩宮皇太后

徽號詔赦天下乙丑以禮部尚書夏言兼武英殿大學士預機務丙寅享九廟甲戌以道士邵元節爲禮部尚書是年免山東山西被災稅糧琉球烏斯藏入貢

十六年春二月壬子安南黎寧遣使告莫登庸之難癸酉如天壽山三月甲申還宮丙午幸大峪山視壽陵夏四月癸丑還宮六月癸酉濟農寇宣府指揮趙鏜戰死秋八月復寇宣府殺參將張國輔冬十一月故昌國公張鶴齡下獄瘐死是年吐魯番天方賽瑪爾堪入貢

十七年春二月戊辰如天壽山壬申還宮三月壬辰賜茅瓚等進士及第出身有差辛丑命咸寧侯仇鸞爲征

夷副將軍充總兵官兵部尚書毛伯溫參贊軍務討安南莫登庸夏四月庚戌如天壽山甲寅還宮戊午罷安南師甲子禱雨於郊壇戊辰雨六月寇犯宣府都指揮周冕戰死丙辰定明堂大饗禮下戶部侍郎唐胄於獄秋七月辛卯開河南雲南銀礦癸巳慈寧宮成八月甲辰濟農犯河西總督都御史劉天和禦却之丙辰以禮部尚書掌詹事府事顧鼎臣兼文淵閣大學士預機務九月戊寅免畿內被災稅糧辛巳上太宗廟號成祖獻皇帝廟號睿宗遂奉睿宗神主祔太廟躋武宗上辛卯大享上帝於元極寶殿奉睿宗配乙未如天壽山丁酉



還宮冬十一月辛未朔詣南郊上皇天上帝號還詣太廟上太祖高皇帝高皇后尊號辛卯祀天於南郊詔赦天下乙未免江西被災稅糧十二月癸卯章聖皇太后崩壬子如大峪山相視山陵甲寅還宮乙卯李時卒戊午振寧夏災是年琉球吐魯番入貢

十八年春二月庚子朔立皇子載壑爲皇太子封載屋爲裕王載圳景王辛丑詔赦天下起黃綰爲禮部尚書宣諭安南壬寅起翟鑿爲兵部尚書兼右都御史充行邊使丁未祈穀於元極寶殿先賢曾子裔孫質粹爲翰林院世襲五經博士壬子振遼東饑癸丑安南莫方瀛

請降乙卯幸承天太子監國辛酉次真定望於北嶽丁  
卯次衛輝行宮火三月己巳渡河祭大河之神辛未次  
鈞州望於中嶽甲戌免畿內被災稅糧庚辰至承天辛  
巳謁顯陵甲申享上帝於龍飛殿奉睿宗配秩於國社  
國稷偏羣祀戊子御龍飛殿受賀詔赦天下給復承天  
三年免湖廣明年田賦五之二畿內河南三之一夏四  
月壬子至自承天壬戌免湖廣被災稅糧甲子幸大峪  
山丙寅還宮秋閏七月庚申葬獻皇后於顯陵辛酉復  
命仇鸞毛伯溫征安南九月辛酉如天壽山侍郎王杲  
振河南饑冬十月丙寅還宮十一月丙申祀天於南郊

是年日本哈密入貢

十九年春正月丙午召翟鑿復入閣辛亥濟農寇大同  
殺指揮周岐三月戊戌詔修仁壽宮夏六月辛巳衛拉  
特部長欵塞秋七月癸卯濟農入萬全右衛總兵官白  
爵逆賊於宣平敗之壬子又敗之於桑乾河戊午振江  
西災八月丁丑太僕卿楊最諫服丹藥予杖死九月濟  
農犯固原周尙文敗之於黑水苑延綏總兵官任傑追  
擊於鐵柱泉又敗之己酉召仇鸞還冬十月庚申罷礦  
場甲子顧鼎臣卒十一月丙辰慈慶宮成是年琉球日  
本入貢

二十年春正月免南畿被災稅糧二月乙丑顯陵成給  
復承天三年丙寅御史楊爵言時政下錦衣衛獄三月  
乙巳賜沈坤等進士及第出身有差是春濟農寇蘭州  
參將鄭東戰死夏四月己未莫登庸納款改安南國爲  
安南都統使司以登庸爲都統使辛酉九廟災燬成祖  
仁宗主丙子詔行寬恤之政五月戊子採木於湖廣四  
川甲寅振遼東饑六月振畿內山西饑秋七月丁酉諳  
達阿布該遣使款塞求貢詔却之是月免河南陝西山  
東被災稅糧八月辛酉昭聖皇太后崩庚辰夏言罷是  
月諳達阿布該濟農分道入寇命總兵官趙卿帥京營

兵都御史翟鵬理軍務禦之九月乙未翊國公郭勛以罔利虐民下獄死辛亥諸達犯山西入石州冬十月癸丑振山西被寇者復徭役二年丁卯召夏言復入閣十一月辛卯葬敬皇后於泰陵丙申免四川被災稅糧是年琉球入貢

二十一年夏四月庚申大高元殿成閏五月戊辰諸達阿布該遣使款大同塞巡撫都御史龍大有誘殺之六月辛卯諳達寇朔州壬寅入雁門關丁未犯太原秋七月己酉朔日有食之夏言罷己未諳達寇潞安掠沁汾襄垣長子參將張世忠戰死八月辛巳募兵於直隸山

東河南壬午振山西被兵州縣免田租癸巳以禮部尚  
書嚴嵩兼武英殿大學士預機務九月癸亥員外郎劉  
魁諫營雷殿予杖下獄冬十月丁酉宮婢楊金英謀逆  
伏誅遂磔端妃曹氏寧嬪王氏於市是年免畿內陝西  
河南福建被災稅糧安南入貢

平定縣人貢

一且辛卯癸卯皇曰欽奉刻丙申庚四川楚災免鹽量  
正統山西癸卯癸卯癸卯外二年丁辰丙辰言商人關十  
一丙辰丁巳丁巳及辛文諸事山西人否惟冬七月癸  
一丙辰丁巳丁巳及辛文諸事山西人否惟冬七月癸

明史卷十八 長平安南入貢日本本紀第十八

十一 總管總理事務經籍官保兼太子太保和殿大學士兼管吏部尚書事架綏廷玉等奉

救修 訓 必 辨 而 驗 命 而 曉 史 未 式 不 疑 訓 諭 丸 式 好 我

至 公 世 宗 二 福 無 難 三 西 以 家 善 表 傑 習 宜 大 共 備 尚

二十二年春正月丙午朔日有食之三月庚戌復遣使

採木湖廣是春諳達屢入塞秋八月犯延綏總兵官吳

瑛等擊敗之冬十月朶顏入寇殺守備陳舜十二月乙

酉免南畿被災稅糧是年占城吐魯番賽瑪爾堪天方

烏斯藏入貢

二十三年春正月丙寅諳達犯黃崖口二月戊寅犯大

水谷三月癸丑犯龍門所丁巳賜秦鳴雷等進士及第  
出身有差秋七月諳達犯大同總兵官周尚文戰於黑  
山敗之八月甲午翟鑾罷九月癸卯免浙江被災稅糧  
丁未以吏部尚書許讚兼文淵閣大學士禮部尚書張  
璧兼東閣大學士預機務壬子振湖廣災冬十月戊辰  
免河南被災稅糧甲戌諳達入萬全右衛戊寅掠蔚州  
至於完縣京師戒嚴乙酉以寇警逮總督宣大兵部尚  
書翟鵬巡撫薊鎮僉都御史朱方下獄鵬謫戍方杖死  
十一月庚子京師解嚴加方士陶仲文少師十二月丙  
子振江西災是年安南入貢日本以無表却之



二十四年春二月戊申詔流民復業子牛種開墾閒田者給復十年三月壬午總督宣大兵部侍郎張漢以在鎮不法下獄謫戍夏五月壬戌朔日有食之六月壬辰太廟成是夏免畿輔山西陝西被災稅糧秋七月壬戌有事於太廟赦徒罪以下八月丙午瘞暴骸己酉張璧卒庚戌諸達犯松子嶺殺守備張文瀚是月犯大同參將張鳳指揮劉欽等戰死九月丁丑召夏言入閣冬十一月辛巳許讚罷是年安南琉球烏斯藏入貢

二十五年春三月戊辰四川白草番亂夏五月戊辰諸達欵大同塞邊將殺其使六月甲辰犯宣府千戶汪洪

戰死秋七月癸酉以醴泉出承華殿廷臣表賀停諸司封事二十日嗣後慶賀齋祀悉停封奏是月諳達犯延安慶陽八月壬子免山東被災稅糧九月諳達犯寧夏冬十月丁亥犯清平堡遊擊高極戰死癸巳代府奉國將軍充灼謀反伏誅甲午殺故建昌侯張延齡十二月丁未免河南被災稅糧是年吐魯番入貢

二十六年春三月庚午賜李春芳等進士及第出身有差夏四月乙巳巡撫四川都御史張時徹副總兵何卿討平白草叛番己酉諳達求貢拒之秋七月丙辰河決曹縣八月丙戌免陝西被災稅糧九月戊辰戶部尚書

王杲以科臣劾其通賄下獄遣戍閏月丙午振成都饑  
冬十一月壬午大內火釋楊爵於獄乙未皇后崩十二  
月辛酉甘肅總兵官仇鸞以貪虐逮下獄乙亥海寇犯  
寧波台州是年琉球入貢

二十七年春正月巴圖爾寇廣寧叅將閻振戰死癸未  
以議復河套逮總督陝西三邊侍郎曾銑杖給事中御  
史於廷罷夏言三月癸巳殺曾銑逮夏言癸卯出仇鸞  
於獄夏五月丙戌葬孝烈皇后秋七月戊寅京師地震  
庚子西苑進嘉穀薦於太廟八月丁巳諳達犯大同指  
揮顧相等戰死周尚文追敗之於次野口九月壬午犯

宣府深入永寧懷來隆慶守備魯承恩等戰死乙未免  
陝西被災稅糧冬十月癸卯殺夏言十一月乙未詔撫  
按官採生沙金是年日本入貢

二十八年春二月乙巳振陝西饑辛亥以南京吏命尚  
書張治爲禮部尚書兼文淵閣大學士祭酒李本爲少  
詹事兼翰林學士入閣預機務壬子諳達犯宣府指揮  
董暘等敗沒遂東犯永寧關南大震乙卯周尚文敗諳  
達於曹家莊丙辰宣府總兵官趙大忠又敗之於大溇  
沱三月辛未朔日有食之丁亥皇太子薨秋七月浙江  
海賊起九月朶顏三衛犯遼東冬十月辛丑免畿內被

災稅糧是年日本琉球入貢

二十九年春三月壬午賜唐汝楫等進士及第出身有  
差是月瓊州黎賊平六月丁巳諳達犯大同總兵官張  
達副總兵林椿戰死閏月癸酉逮總督宣大兵部右侍  
郎郭宗臯巡撫大同右副都御史陳燿下獄臯謫戍燿  
杖死是夏免陝西河南江北被災夏稅秋八月丙寅封  
方士陶仲文爲恭誠伯丁丑諳達大舉入寇攻古北口  
薊鎮兵潰戊寅掠通州駐白河分掠畿甸州縣京師戒  
嚴召大同總兵官仇鸞及河南山東兵入援壬午薄都  
城命仇鸞爲平虜大將軍節制諸路兵馬巡撫保定都

御史楊守謙提督軍務左諭德趙貞吉宣諭諸軍癸未始御奉天殿戒敕羣臣甲申寇退逮守通州都御史王儀丙戌京師解嚴杖趙貞吉謫外任丁亥仇鸞敗績於白羊口兵部尚書丁汝夔巡撫侍郎楊守謙以守備不設棄市杖左都御史屠僑刑部侍郎彭黠九月辛卯振畿內被寇者乙未罷團營復三大營舊制設戎政府以仇鸞總督之丁酉罷領營中官戊申免畿內被災稅糧壬子廢鄭王厚烷爲庶人冬十月甲戌張治卒辛巳刑部郎中徐學詩疏劾嚴嵩奸貪下鎮撫司獄十一月癸巳分遣御史選邊軍入衛壬寅祧仁宗祔孝烈皇后於

太廟是年琉球入貢

三十年春正月庚子錦衣衛經歷沈鍊疏劾嚴嵩贖貨  
十罪廷杖戍邊三月壬辰開馬市於宣府大同兵部侍  
郎史道經理之夏四月壬午下經畧京城副都御史商  
大節於獄秋九月乙未京師地震詔修省冬十一月諳  
達犯大同是年免兩畿河南江西遼東貴州山東山西  
被災稅糧

三十一年春正月壬辰諳達犯大同甲午入弘賜堡二  
月癸丑振宣大饑辛酉諳達犯懷仁川指揮僉事王恭  
戰死己巳建內府營操練內侍三月戊子大將軍仇鸞

帥師赴大同辛卯命禮部尚書徐階兼東閣大學士預  
機務夏四月丙寅巴圖爾錫林阿犯新興堡指揮王相  
等戰死丙子倭寇浙江五月甲申召仇鸞還戊申倭陷  
黃巖秋七月丙申免陝西被災夏稅壬寅以倭警命山  
東巡撫都御史王忬巡視浙江八月己未收仇鸞大將  
軍印尋病死乙亥戮仇鸞屍傳首九邊己卯諳達犯大  
同分掠朔應山陰馬邑九月乙酉犯山西三關壬辰犯  
寧夏丁酉河決徐州庚子兵部侍郎蔣應奎左通政唐  
國卿以冒邊功杖於廷癸卯罷各邊馬市冬十月己未  
兵部尚書趙錦坐仇鸞黨戍邊壬戌免江西被災稅糧



是月築京師外城十二月丁巳光祿少卿馬從謙疏劾中官杜泰泰誣從謙誹謗下獄杖死

三十二年春正月戊寅朔日食陰雲不見己卯侍郎吳鵬振淮徐水災庚子兵部員外郎楊繼盛疏劾嚴嵩誤國十罪下鎮撫司獄二月甲子倭犯溫州壬申諳達犯宣府參將史畧戰死三月丁丑振陝西饑辛巳吉納犯延綏殺副總兵李梅壬午兵部侍郎楊博巡邊甲申振山東饑甲午賜陳謹等進士及第出身有差甲辰諳達犯宣府副總兵郭都戰死閏三月海賊汪直糾倭寇瀕海諸郡至六月始去秋七月戊午諳達大舉入寇犯靈

邱廣昌乙丑河套諸部犯延綏己巳諳達犯浮圖峪遊  
擊陳鳳朱玉禦之庚午河南賊師尚詔陷歸德及柘城  
鹿邑八月丙子小王子犯赤城丙申師尚詔攻太康官  
軍與戰於鄆陵敗績戊戌振山東災免稅糧九月丙午  
諳達犯廣武巡撫都御史趙時春敗績總兵官李淶參  
將馮恩等力戰死辛酉以敵退告謝郊廟冬十月甲戌  
振河南山東饑庚子師尚詔伏誅賊平辛丑京師外城  
成是年琉球入貢

三十三年春正月壬寅朔以賀疏違制杖六科給事中  
於廷戊辰官軍圍倭於南沙五閱月不克倭潰圍出轉

掠蘇松二月庚辰官軍敗績於松江乙丑倭犯通泰餘  
衆入青徐界夏四月甲戌振畿內饑乙亥倭犯嘉興都  
司周應楨等戰死乙酉陷崇明知縣唐一岑死之五月  
壬寅倭掠蘇州丁巳南京兵部尚書張經總督軍務討  
倭六月癸酉諳達犯大同總兵官岳懋戰死己丑侍郎  
陳儒振大同軍士秋八月癸未倭犯嘉定官軍敗之庚  
寅復戰敗績九月丁卯諳達犯古北口總督楊博禦却  
之是年暹羅吐魯番天方賽瑪爾堪烏斯藏入貢

三十四年春正月丁酉朔倭陷崇德攻德清二月丙戌  
工部侍郎趙文華祭海兼區處防倭是月諳達犯薊鎮

參將趙傾葵等戰死三月甲寅蘇松兵備副使任環敗  
倭於南沙夏四月戊子諳達犯宣府參將李光啓被執  
不屈死五月甲午總督侍郎張經副總兵俞大猷擊倭  
於王江涇大破之乙巳倭分道掠蘇州屬縣己酉趙文  
華誣劾張經畏巽失機逮下獄六月壬午命兵部侍郎  
楊宜總督軍務討倭秋七月乙巳倭陷南陵流劫蕪湖  
太平丙辰犯南京丁巳趙文華胡宗憲譖提督浙福都  
御史李天寵嗜酒縱寇逮下獄八月壬辰蘇松巡撫都  
御史曹邦輔敗倭於許墅九月乙未趙文華及巡按御  
史胡宗憲擊倭於陶宅敗績丙午諳達犯大同宣府戊

午犯懷來京師戒嚴辛酉參將馬芳敗寇於保安是秋  
免江北山東被災秋糧冬十月庚寅殺張經李天寵楊  
繼盛辛卯倭掠寧波台州犯會稽十一月壬辰朔日有  
食之庚申倭犯興化泉州閏月丁丑免畿內水災稅糧  
十二月甲午開山東四川銀礦壬寅山西陝西河南地  
大震河渭溢死者八十三萬有奇是年琉球入貢

三十五年春正月壬午官軍擊倭於松江敗績二月甲  
午振平陽延安災己亥楊宜罷戊午吏部尚書胡默坐  
誹謗下錦衣衛獄論死命巡撫侍郎胡宗憲總督軍務  
討倭三月丁丑賜諸大綬等進士及第出身有差夏四

月丙申振陝西災甲辰倭寇無爲州同知齊恩戰死辛亥遊擊宗禮擊倭於崇德敗沒五月乙丑命趙文華提督江南浙江軍務丁亥命左通政王槐採礦銀於玉旺峪六月丙申總兵官俞大猷敗倭於黃浦辛丑諳達犯宣府殺遊擊張紘秋七月辛巳胡宗憲破倭於乍浦八月壬寅詔採芝辛亥胡宗憲襲破海賊徐海於梁莊九月乙丑徽王載堉縱恣不法廢爲庶人免南畿被災稅糧壬午以平浙江倭祭告郊廟社稷冬十月丙戌朔日有食之十一月戊午達喇蘇犯廣寧總兵官殷尚質等戰死十二月丁未犯環慶

三十六年春二月諳達犯大同三月癸丑巴圖爾寇遷  
安副總兵蔣承勛力戰死是月吉納寇延綏殺副總兵  
陳鳳夏四月丙申奉天華蓋謹身三殿災壬寅下詔引  
咎修齋五日止諸司封事停刑五月癸丑倭犯揚徐入  
山東界癸亥採木於四川湖廣辛未倭犯天長盱眙遂  
攻泗州丙子犯淮安六月乙酉兵備副使于德昌參將  
劉顯敗倭於安東甲午罷陝西礦秋七月庚午詔廣東  
採珠九月癸亥殺沈鍊是月諳達子錫林阿寇應朔毀  
七十餘堡冬十一月丁丑錫林阿圍右衛城十二月乙  
卯海盜汪直伏誅是冬免山東浙江被災稅糧是年疏

球入貢

三十七年春正月癸亥罷河南礦三月丙辰總督宣大侍郎楊順以縱寇逮下獄甲子提督福建軍務右都御史阮鶚以貪縱逮下獄辛未始免三大營聽征官軍營造工役夏四月癸未振遼東饑辛巳倭分犯浙江福建秋八月己未吉納犯永昌涼州圍甘州冬十月癸丑禮部進瑞芝一千八百六十本詔廣求徑尺以上者十一月辛亥諭法司恤刑是年琉球暹羅入貢

三十八年春二月庚午巴圖爾犯潘家口渡灤河逼三屯營三月己卯掠遷安薊州玉田庚寅賜丁士美等進



士及第出身有差癸巳倭犯浙東海道副使譚綸敗之  
甲午逮浙江總兵官俞大猷夏四月丁未倭犯通州甲  
寅倭攻福州庚申倭攻淮安巡撫鳳陽都御史李遂敗  
之於姚家蕩倭退據廟灣丙寅副使劉景韶大破倭於  
印莊五月辛巳逮總督薊遼右都御史王忬下獄甲午  
劉景韶破倭於廟灣江北倭平六月乙巳錫林阿犯大  
同秋八月己未李遂胡宗憲破倭於劉家莊甲子振遼  
東饑給牛種是月諳達犯土木遊擊董國忠等戰死九  
月犯宣府是年吐魯番天方賽瑪爾堪魯默特哈密暹

羅入貢

三十九年春正月丙戌諸達犯宣府二月丁巳南京振  
武營兵變殺總督糧儲侍郎黃懋官戊午振順天永平  
饑倭犯潮州三月癸未大同總兵官劉漢襲敗額森於  
灰河丁亥達喇蘇犯廣寧陷中前所殺守備武守爵黃  
廷勛夏五月壬午振山西三關饑壬辰盜入廣東博羅  
縣殺知縣舒顯秋七月乙丑朔巴圖爾犯薊西遊擊胡  
鎮禦却之庚午劉漢襲諸達於豐州破之九月己巳諸  
達犯朔州廣武冬十二月土默特犯海州東勝堡是月  
閩廣賊犯江西是年免畿內山西山東湖廣陝西被災  
稅糧暹羅入貢

四十年春二月辛卯朔日當食不見振山東饑丁未景王之國三月壬戌振京師饑夏四月丁未振山西饑五月乙亥李本以憂去閏月丙辰賊犯秦和殺副使汪一中指揮王應鵬秋七月己丑朔日有食之庚戌諳達犯宣府副總兵馬芳禦却之九月庚子犯居庸關參將胡鎮禦却之辛丑振南畿災冬十一月甲午以禮部尚書袁煒爲戶部尚書兼武英殿大學士預機務庚戌吉納犯寧夏進逼固原辛亥萬壽宮災十二月丙寅巴圖爾犯遼東蓋州是年烏斯藏入貢

四十一年春三月辛卯白兔生子禮部請告廟許之羣

臣表賀壬寅賜申時行等進士及第出身有差己酉重  
作萬壽宮成夏五月壬寅嚴嵩以罪免子世蕃下獄壬  
子土默特攻湯站堡副總兵黑春力戰死秋九月壬午  
三殿成改奉天曰皇極華蓋曰中極謹身曰建極冬十  
月免南畿江西被災稅糧十一月乙酉分遣御史訪求  
方士法書丁亥逮胡宗憲尋釋之辛丑吉納犯寧夏副  
總兵王勲戰死己酉倭陷興化是月延綏總兵官趙岢  
分部出塞襲寇敗之免陝西湖廣被災及福建被寇者  
稅糧是年琉球入貢

四十二年春正月戊申諳達犯宣府南掠隆慶夏四月

庚申倭犯福清總兵官劉顯俞大猷合兵殲之丁卯副  
總兵戚繼光破倭於平海衛秋八月乙亥總兵官楊照  
襲寇於廣寧塞外力戰死冬十月丁卯錫林阿巴圖爾  
破墻子嶺入寇京師戒嚴詔諸鎮兵入援戊辰掠順義  
三河總兵官孫贖敗死乙亥大同總兵官姜應熊禦寇  
密雲敗之十一月丁丑京師解嚴是年琉球入貢

四十三年春正月壬辰土默特哈斯坦寇薊鎮總兵官  
胡鎮參將白文智禦却之二月己酉伊王典楨僭越不  
法廢爲庶人戊午倭犯仙遊總兵官戚繼光大敗之福  
建倭平閏月丙申盜據漳平知縣魏文瑞死之三月己

未官軍擊潮州倭破之夏四月乙亥免畿內被災稅糧  
五月壬寅朔日有食之乙卯獲桃於御幄羣臣表賀六  
月辛卯倭犯海豐俞大猷破之冬十二月南韶賊起守  
備賀鐸指揮蔡允元被執死之諳達犯山西遊擊梁平  
守備祁謀戰死是年西番哈密安南入貢魯默特貢獅  
子

四十四年春三月丁巳賜范應期等進士及第出身有  
差己未袁煒致仕辛酉嚴世蕃伏誅是月土默特犯遼  
東都指揮線補袞楊維藩戰死夏四月庚辰命吏部尚  
書嚴訥禮部尚書李春芳並兼武英殿大學士預機務

壬午諳達犯肅州總兵官劉承業禦却之六月甲戌芝  
生睿宗原廟柱告廟受賀遂建玉芝宮秋八月壬午獲  
仙藥於御座告廟冬十一月癸卯嚴訥致仕戊申奉安  
獻皇帝后神主於玉芝宮是年琉球入貢

四十五年春二月癸亥戶部主事海瑞疏諫齋醮下錦  
衣衛獄是月俞大猷討廣東山賊大破之浙江江西礦  
賊陷婺源三月己未以吏部尚書郭朴兼武英殿大學  
士禮部尚書高拱兼文淵閣大學士預機務夏四月壬  
戌朔日有食之丙戌諳達犯遼東六月丙子旱親禱雨  
於凝道雷軒越三日雨羣臣表賀秋七月乙未諳達犯

萬全右衛冬十月丁卯犯固原總兵官郭江敗死癸酉  
犯偏頭關閏月甲辰犯大同參將崔世榮力戰死十一  
月己未帝不豫十二月庚子大漸自西苑還乾清宮是  
日崩年六十遺詔裕王嗣位隆慶元年正月上尊諡廟  
號世宗葬永陵

贊曰世宗御極之初力除一切弊政天下翕然望治顧  
迭議大禮輿論沸騰倖臣假托尋興大獄夫天性至情  
君親大義追尊立廟禮亦宜之然升祔太廟而躋於武  
宗之上不已過乎若其時紛紜多故將疲於邊賊誼於  
內而崇尚齋醮營建繁興百餘年富庶治平之業因之



漸替矣然且倚任權奸果戮直臣以快其志亦獨何哉